

b. In Romeine 13 – was die verhouding tussen kerk en staat wees? Wie moet vir wie luister? _____

c. Hoe bid jy vir die regering? _____

d. Hoofstuk 14: wat sal jy iemand antwoord wat sê dat jy nie Halaal / Kosher-kosse mag eet nie? _____

e. Watter belangrike les oor ons optrede is in 16:19, 20? _____

BYBELSTUDIE

ROMEINE

DIE HOFSAAK TUSSEN

GOD EN DIE MENS

2024

DIE BRIEF VAN DIE APOSTEL PAULUS AAN DIE ROMEINE¹

Die brief aan die Romeine is geskryf op 'n belangrike tydskip in die werksaamheid van die apostel Paulus. Sy taak in die Ooste is afgedaan en sy oog is nou gerig op die Weste, op Rome en Spanje, 15:19, 23, 24. Hy skryf uit Korinthe aan die einde van sy derde sendingreis en kort voor sy vertrek na Jerusalem, d.w.s. einde 55 of begin 56 n.C.

Die doel van die brief is om die Christene in Rome te laat weet van sy aanstaande koms, 15:23, met die versoek dat hulle ook voorbereidsels sal tref vir sy verdere reis, 15:24. Die moontlikheid bestaan egter dat sy langgekoesterde wens nie in vervulling sal gaan nie, want hy moet eers na Jerusalem, met die gevare wat dit inhou. Daarom bevat die brief meteen 'n samevatting van sy prediking tot hulle, met 'n vermaning tot eensgesindheid, 14:1 v., 15:1 v., en 'n ernstige waarskuwing teen valse leraars Joods Christelike yweraars vir die wet ten koste van die genade.

Hoe en wanneer die gemeente van Rome ontstaan het, is nie bekend nie. Dit is nie deur Paulus gestig nie, 1:13. Vir die mening dat Petrus die stigter was, is daar geen grond nie. Waarskynlik het ons hier 'n gemeentevorming deur gelowiges wat van elders gekom het na Rome, die hoofstad van die wêreld en middelpunt van die wêreldverkeer. Op Pinksterdag was daar byvoorbeeld Jode en Jodegenote uit Rome in Jerusalem, Hand. 2:10.

Die brief staan eerste in die ry van Paulus se briewe, waarskynlik omdat dit die langste en belangrikste is. Dit bevat ook die volledigste uiteensetting van die evangelie, gesien vanuit die regverdigmaking deur die geloof, wat ná die inleiding, 1:1-15, aangekondig word as die onderwerp van die brief, 1:16, 17. Hy begin met die verkondiging van

¹ Die Bybel met Verklarende Aantekeninge. VPU 1959

5. Volgens hoofstuk 14: wat mag 'n mens eet en wat nie?

6. Waarom moet die evangelie aan alle mense verkondig word as almal nie uitverkies is nie? _____

7. Waarom groet Paulus so baie mense in Rome, in teëstelling met al sy ander briewe waar hy min mense groet? _____

8. Dieptevrae:

a. 12:1 het in die eerste sin die begrip “dan” / “en nou” / “dus”, Wat is die doel daarvan? _____

ROMEINE 12 - 16: DANKBAARHEID VIR VRYSPRAAK

1. Verklaar die begrip *wesenlike van die godsdienst* (1983-vertaling) / *redelike godsdienst* (1953-vertaling) / *sinvolle godsdienst*. (2020-vertaling) _____

2. Wat moet die mens doen sodat God hom kan verander? _____

3. Noem nog ten minste twee gedeeltes waar die kerk die liggaam van Christus genoem word. _____

4. In hoe verre moet die gelowige aan 'n ongelowige regering gehoorsaam wees? _____

die regverdig oordeel van God oor die hele mensheid, 1:18 3:20, heidene, 1:18 32, sowel as Jode, 2:1 16. Die groot voorregte van die Jode maak hulle skuld slegs groter, 2:17 3:8. In die Skrif word hulle saam met die heidene ingesluit onder die oordeel van God, 3: 9~20. Vir Jood en heiden is daar slegs een weg tot verlossing: die regverdigmaking deur die geloof. Hierop word vervolgens ingegaan, saam met die ander weldade daaraan verbode heiligmaking en heerlikmaking, 3:21 8:39. Die regverdigmaking deur die geloof word beskryf, 3:21 31, en dan word aangetoon dat dit in ooreenstemming is met die Ou Testament: so is Abraham geregverdig en Dawid getuig daarvan, 4:1 25. Waar die skuld versoen is, is die ewige lewe. Met die regverdigmaking is die heerlikmaking vas en seker, maar in hoop. Die hoop is gewortel in die liefde van God wat Sy Seun gegee het, en alles met Hom sal gee, 5:1 11. Soos in Adam die dood deur die sonde geheers het, so is daar in Christus vir die gelowige geregtigheid en ewige lewe, 5:12 2 1. Met die regverdigmaking is die heiligmaking gegee. Die gelowige het ook in Christus gesterf vir sy sonde. Daarom is daar geen sprake dat hy in sy sonde sal lewe nie, 6 1 23. Christus het hom verlos van die wet wat kragteloos is weens die sonde, 7 1 26, en Hy woon in die gelowige deur die Heilige Gees, om hom innerlik te heilig. Daardeur is meteen die verheerliking van die liggaam verseker. Die Gees van die heiligmaking is ook die Gees van kindskap en erfgenaamskap, 8:1 17. Die sekerheid van die toekomstige heerlikheid, waarna die hele skepping saam met die gelowige verlang, rus in die versugtinge van die Heilige Gees in ons, in die voorbede van Christus vir ons, maar ten diepste in die verkiesende liefde van God, 8:18 39. Die blik op die toekomstige heerlikheid laat vra na die toekoms van Israel, hfst. 9 11. In Israel se geskiedenis is juis die verkiesende werksaamheid van God en Sy vrymag geopenbaar, 9 :1 33. Die verkiesing werk egter nie buite die roeping tot geloof in Christus om nie. God het geroep, Israel het nie gehoorsaam nie, 10:1 23. Soos God die ongehoorsaamheid van Israel gebruik het tot barmhartigheid

aan die heidene, so sal God die gehoorsaamheid van die heidene gebruik tot barmhartigheid aan Israel, 11:1-36.

Die derde hoofdeel volg, waarin die lewe van die gelowige beskryf word, 12:1-15:13. Dit is: algehele, dankbare toewyding aan God, 12:1-8, in een woord: liefde, 12:9-21, maar ook gehoorsame onderwerping in die gewone lewensverhoudinge, veral onder die owerheid as instelling van God om geregtigheid te handhaaf, 13:1-7. Al skuld wat die gelowige moet hê, is om lief te hê. Daarin word die wet vervul, 13:8-14. Dit moet veral in praktyk gebring word in die gemeentelike lewe. By die Christelike vryheid moet die rigsgnoer steeds die liefde wees, 14:1-23. So moet ons mekaar se laste dra na die voorbeeld van Christus, 15:1-13. Die brief sluit met 'n uiteensetting van Paulus se planne, 15:14-33, 'n aanbeveling van Febe, groetes onderbreek deur 'n ernstige vermaning, 'n seënbede en lofsegging, 16:1-27.

b. 9:16 – wat is die rol van die mens in God se barmhartigheid?

c. Hoe kan ons 10:9, 10 meer prakties in ons lewe maak? _____

d. Watter betekenis het 10:3 en 4 vir elkeen wat die evangelie uitdra? _____

6. Wat is ons verantwoordelikheid in ons redding? _____

7. Hoe bewerk God dit dat die Heilige Gees die geloof in 'n mens wek? _____

8. Gaan die Jode verlore? _____

9. Dieptevrae:

a. In 9:1 maak Paulus drie stellings: hy *praat die waarheid in Christus / *lieg nie / die Heilige Ges lei hom. Waarom so sterk uitdruk? _____

STRUKTUUR

	Tema	Teks
Inleiding 1:1 - 17	Bekendstelling <i>Tema van die Boek</i>	1:1 - 15 1:16, 17
Klagstaat 1:18 - 3:20	Heidene is skuldig Jode is skuldig Almal is skuldig	1:18 - 32 1:2 - 3:8 3:9-20
Uitspraak 3:21-4:25	Slegs regverdig deur geloof in Christus Regverdig deur geloof vanaf Abraham	3:21-31 4:1-25
Vonnis 5-8	Bevry van die wraak van God Bevry van die sondemag Bevry van die wet Bevry van die dood Oorwinningslied	5 6 7 8:1-30 8:31-39
God is regverdig 9-11	Probleemstelling God is soewerein en vry Die mens se verantwoordelikheid God se plan Lofsang vir God se trou	9:1-5 9:6-29 9:30-10:21 11:1-32 11:33-36
Dankbaarheid vir Vrysprak 12-15:13	'n Lewende dankoffer 'n Lewe van Liefde 'n Lewe van Gehoorsaamheid 'n Lewe deurtrek van Christus se liefde 'n Lewe in verantwoordelikheid en vryheid	12:1, 2 12:3-21 13:1-7 13:8-14 14:1-15:13

Slot 15:14-16:27	Werksverslag toekomsplanne Groetnis aan ... Slotseën	en 15:14 - 32 16:1-24 16:25- 27
-----------------------------------	---	--

ROMEINE 9 - 11 GOD IS REGVERDIG

1. Wat is dit wat Paulus eintlik vir ons sê in 9:1 - 5? _____

2. Waarom het God Jakob uitverkies, maar Esau gehaat?

3. Kan iemand wat nie uitverkies is nie, God verwyf?

Motiveer. _____

4. Watter sê het die mens in sy uitverkiesing? _____

5. Waarom het die Jode die Messias verwerp? _____

c. 6:17: Wat is die verskil tussen *slaaf van die sonde* aan die een kant en *sondaar* aan die ander kant? _____

ROMEINE 1:1 - 17: DIE INLEIDING

1. Waarna verwys *die Heilige Skrif* in vers 2? _____

2. Onderskei die drie dele van die Groet in verse 1 - 7 ____

a _____

b _____

c _____

3. Waarom sou Paulus so 'n lang selfbekendstelling hê in verse 2 - 6? _____

4. Hoe sien ons in hierdie verse dat God **regverdig** is? ____

5. Hoe sien ons in hierdie verse dat die **geloof** vir God belangrik is? _____

6. Verklaar die verskil tussen *uit geloof tot geloof* (1953-vertaling), *enkel omdat hulle glo* (1983-vertaling) en *geheel en al op geloof* (2020-vertaling)? _____

7. Dieptevrae:

a. Watter betekenis het dit dat Paulus 'n geroepe apostel (v1) is?

b. Wat sou die betekenis wees van mag / kragl in vers 4? _____

5. Waarop dui die *goede* in 8:28? _____

6. Dieptevrae:

a. In 5:6 – 10, bepaal die mens se natuurlike gesindheid teenoor God asook God se antwoord daarop.

b. 6:4: Hoe word ons deur die doop saam met Christus begrawe?

Impliseer dit volwasse doop deur onderdompeling? _____

ROMEINE 5-8: DIE VONNIS

1. Waarvan word die mens alles vrygespreek? _____
 - a _____
 - b _____
 - c _____
 - d _____

2. Wat moet ons reaksie wees op die vier vrysprake hierbo? _____
 - a _____
 - b _____
 - c _____
 - d _____

3. As Christus met sy lyde ons verlos het en ons die vryspraak ontvang het, waarom moet ons nog ly? _____

4. Waarop dui die *alles* in 8:28? _____

c. Waarom praat Paulus van geroepe heiliges in vers 7? _____

d. Hoe versterk 'n gawe die gelowige (vers 11)? _____

e. Wat is die verskil tussen wetenskaplike kennis en geloof? _____

ROMEINE 1:18 - 3:20: DIE KLAGSTAAT

1. Hoekom sal die heidene geen verontskuldiging hê nie?

2. In watter belydenisskrif bely ons dieselfde? _____

3. Hoekom sal die Jode geen verontskuldiging hê nie? _

4. Verklaar Romeine 2:24 in die lig van Romeine 2:17 -
23. _____

5. Waarom het ons geen verontskuldiging nie? _____

d. Probeer 4 verskille aandui tussen die beloftes van God en dié
van die mens:

1: _____

2: _____

3: _____

4: _____

5. Hoe het Abraham salig geword? _____

6. Hoe kan ons uit 4:9 - 13 die betekenis en belangrikheid van die besnydenis en die doop verklaar? _____

7. Dieptevrae:

a. Waarom begin vers 3:21 met die woorde: "maar nou..."? _____

b. Wat is die betekenis van seël in vers 4:11? _____

c. Verklaar die twee betekenis van hoop in vers 18. _____

6. Weerspreek Romeine 3:1, 2 en Filippense 3:2 mekaar? Motiveer. _____

7. Hoe word ons vrygespreek as dit nie deur die wet is nie? _____

8. Dieptevrae:

a. Wat het God se wraak te doen met die feit dat Hy heilig is (1:18)? _____

b. Wat leer ons uit God se optrede in die lyn van dwaasheid (1:21) na afbeeldings (1:23) na blatante sondes (1:24. 25)? _____

c. Watter effek het self-oordeel as jy iemand anders oordeel? ____

ROMEINE 3:21-4:25: DIE UITSPRAAK

1. Wat is die uitspraak wat in 3:19 gelewer is? _____

2. Wat is die betekenis van 3:21 - 26 as vonnis op die uitspraak van 3:19? _____

3. Verklaar die begrip *geregtigheid van God* (3:21 - 1953-vertaling). _____

4. Verklaar die begrip *vryspraak* (3:21 - 1983-vertaling).
